

連江縣志

癸酉仲春
劉涵寬署牋

42
1-10

序凡例
目錄
職名
卷首
疆域沿革表
卷一

緯候表
卷二

大事記
卷三



𨔵

𨔵

𨔵

𨔵

周朝宗原篆

序

嘗讀周禮地官大司徒以天下土地之圖周知九州之地域廣輪之數辨其山林川澤邱陵墳衍原隰之名物職方氏掌天下之圖以掌天下之地辨其邦國都鄙四夷八蠻七閩九貉五戎六狄之人民與其財用九穀六蓄之數要周知其利害可知三代以前大如九州小如都鄙內如中夏外如諸夷凡以志其山川人物圖而表之者無非責在官吏各有專司亦藉以觀風問俗俾周知其利弊而興革之法良意美莫逾於是洎乎後世周官義晦職守缺如各郡縣之沿革故實徒恃一二老宿私自採訪勒爲成書故當國家遞嬗之交凡典制之紛更文質之互異政令之改易風俗之轉移將以傳古信今垂永久而釐然可攷者繁惟圖志是賴焉使無圖志舉其地之歲時氣候山川形勢戶口田賦人文習俗土泉物產諸大端不備諸而詳悉之雖欲有所設施必依回而無據此善治者所以首重圖志歟雖然載筆紀事綴故增新輯其典要使無闕漏者固文士所能至如歲

連江縣志

卷首

序

久失修及時提倡授之剗剗俾可徵信者實有司之責設或聽其遷流寢遠文獻就湮則凡宰是邦者恐亦不能辭其咎也邇者省大吏有鑑於此此令下所屬纂輯縣志並爲之定凡例籌經費劃程序尅期告蒞冀藉以采風問俗俾周知其利弊而興革之不猶是古人之用心乎連江東南瀕海西北負山絕長補短方百八十里有奇其山川之秀戶口之繁文物之盛土產之富久推爲閩中望邑邑有舊志自嘉慶十年後閱百餘載迄未重修其間官師之政教先達之勛業以及賢士大夫之言行貞淑婦女之德操湮晦難詳曷勝浩歎况自國體改革以來典禮大變學制迭更國政民風日新月異及今之紀載不詳他日之舛訛必甚邑士紳正議及此適奉省令促修遂公推邑紳邱穆畚君任纂修蕭鸞坡陳蓉巖林硯先孫伊農爲協修根據舊本揣摩新章參聞見以補闕遺證異同以求切實是非予奪一秉至公倘所謂傳古信今可垂永久者非耶肇事於民國六年越十一年春始脫稿發凡起例遠搜近摭蓋其殫編輯之功者凡六寒暑矣

余自前歲來權邑篆茲奉量移福清會新志成邱君等請一言序其端余本不文又值新舊交替簿書填委無暇弄翰爲遲迴者久之旋念宦遊所至雖不敢追踪古人而兩年來心勞政拙俗尙惓安似未嘗重取戾於邑人士者正以與聞志事得備攷夫風土人情之蹟且畧窺夫學行治術之斑豈非余之厚幸耶尤願後之官斯土者覽斯志也於歲時氣候知其正於山川形勢知其勝於戶口賦稅知其核於人文習俗知其醇於土泉物產知其利從此實心行政庶有所據而措之裕如矣然則是編也謂爲吏治之圭臬也可嘗

中華民國十一年夏曆仲春之月縣知事奉新張景良撰

序

連江夙隸福州負崇巘控巨浸爲會城門戶雖越在南部乎實衝繁阨塞形便區矣矧夫巒岫複沓津瀨衡縱微論淑之萃秀之育魁儒碩人往往而有卽卉石璣羽之族蕃演物溢緝致走四方亦甚繫食貨平準之計天道三十年一變地利人事與時消息不有述作曷貽方來惡可以積世紊年怠置蒐討纂輯之業劣復不講也聿自有清乾嘉兩志之後以逮叔葉蓋駸駸百年未之有繼矣民國初紀福州諸老慨世事之日噴慮文獻之無徵勲勳焉言於長吏庀財置局聘延耆德方聞從事福建通志檢檄諸縣一致興修而福建通志局更名修志總局胥六十餘縣之書受成焉於是連江縣志亦肇議修輯計前知事曹君剛開其緒邑紳邱君蕭君陳君林君孫君尸其役起丁巳迄丁卯閱年十一然後脫藁中間義例之商確經費之鳩舉不無鄭重往復蓋歲事若斯其難也駕忝長斯邑撫字催科兩形其拙遑論纂述然竊有愚意焉以謂方隅之書要不第摭摭見聞夸

多郡邑之繁雄已也又將上供史氏采擇下資士夫攷求故開卷有圖圖分陳而如眉之就列帙間有表表方行而如譜之可稽擅之而明利害之所究攬之而悟興替之從絲撫之而審靜擾理忽之方顧之而獲生聚休養之道庶幾一馮凡而覽百世不下堂而周千里故與濫竽覈與文竇質無與易也况時至今日世局亟變又非墨守故常徒矜義法所可集事者茲志幾經研度亦慎亦詳殆不毗於摭摭見聞夸多繁雄而揆之鄙意尤概乎其有合焉故於其殺青也不揣固陋而弁言於端

中華民國十六年古歷八月縣知事閩侯高時駕撰

原序

郡邑有志其來尚矣是邑鼎始於晉太康唐爲上縣今爲望邑乃始志於嘉定陶宰武缺不續又六十年湯火焦熬率不暇問適鄙觀陳先生以魁從鎮福唐教明刑清武不苛符不急紫皂不至於庭昔之焦熬者轉而昇平於是約學正黃岸及許師武輩舉斯志而欲修之邑彥陳澤元起而言曰邑志之修久矣今喜作興以時諸君其有意乎咸曰諾遂置局鳳池網羅遺佚探索幽隱類爲志集若干卷明憲開帙五鄉之山川千年之風景盡在目中矣日隆蜀之眉人也而令於閩閩蜀風馬牛不相及前輩乃以爲同風每竊疑之三載茲邑目文物之盛科鎰之勤習俗之儉真與吾眉同昔東坡記遠景樓述近古之俗曰其民聰明材知務本而力作易治而難服守令始至視其言語輒了其爲人其明且能者不復以事試終日寂然苟不以道則陳義秉法以竊議之故不知者以爲難治是邑有焉得不謂之同乎日隆受代雖有期學道之愛不敢少離因書於卷首以自警

宋咸淳壬申中元日知縣宋日隆撰

原序

連江縣志宋嘉定陶宰武所創也咸淳間宋宰日隆增而修之其山川人物風土井社河渠畝澮以至瞻學 纖悉備載鉅之梓而藏之稽古閣歷年久而弊生焉汝上李侯榮甫來尹茲邑百廢俱興公家之事知無不爲前教諭陳春伯指陳舊事請於省司亟命校正士冠得與直學陳長泰訪求舊本會集耆儒互相訂正今取陶本成邑圖併原序刻於卷首以備參攷

宋延祐丙辰夏五月唐士冠撰

原序

嘗攷東漢南陽撰記風俗自是迺各爲書而天下郡邑於是乎有志志者史之餘也昔周之時閭胥族師黨正之屬皆得以所書登之於王咸隸於史史弗修則一代之禮樂文章無以表見邑無志則無以審舊制而識賢徽鉅細殊而輕重相等連江建自晉太康間歷時已久邑志之修僅於宋得陶君武於元得李君榮豈乏文雅絢飾吏治哉田賦訟牒期會之紛常足以耗其精而又調遷不時瓜期旋代欲有所興舉輒未遑以去至若邑有魁傑能文之士網羅散軼志在明述獨於臧否之間顧瞻桑梓未敢徑行其胸臆卒無有奮筆而潰於成者上下交相待而遙遙者竟無其期夫魯史起隱迄哀二百四十二年而已其載筆者又未始無人也乃以人則君尹殊傳以時則夏五不月以爵則子伯乖稱他若文字雕磨豕魚訛謬尤非一而足今連雖編小自元之後復三百餘年其間沿革廢興盛衰得失與時遞易亦積久漸多而不獲成書可考閱嘗質以一二事則已各保

所見人自爲辭不勝參互而後得之其在今者乃如此使過此更數十年必有甚焉者卽又何以存文獻爲來者折衷哉歲承乏六載幸值我國家久道化成大憲釐綱剔目得以淺薄濫厠筮屨吏民亦安戢之拙而日以無事也吏牘之暇商榷斯舉邑博永定王君司訓同安陳君咸有同志聞邑之前哲私有紀載因廣爲搜索延歸化學博孫君等考求別擇散者貫之舛者正之略者詳之其核定是非斟酌繁簡間叅以未議都爲一編自星土風物國賦邦教下及民情皆燦然具列用補前此之缺略而連之文獻亦藉是以存夫非余之敢自以爲功也萬物之數鬱極而通今連自有其明備而湮鬱沉晦至三百餘年之久適際乎昌明之會而一發之理有固然特因而不與違焉爾然由是而舊制聿彰賢徽不泯豈惟後之蒞紳士者得於此考鏡而輶軒旁採下及海邦可以覽此一方之俗是則巖以窮年之勤與諸君相爲紬繹得比古之閭胥族黨所書藉手以陳於史氏其亦幸告無罪也夫

清乾隆五年十月知縣戚崧言撰

連江縣志

卷首

序

七

原序

連江控三山東北於省會密邇其文物之茂稱望邑焉余以歲之甲寅董
教事其地日進諸生而講肄之已而備知政俗與其鄉先正之盛德大業
因竊嘆此邦之風淳美而人傑出也越二年將建治以來諸科目臚名氏
而匾於堂余曰是必以志徵問之則志乘之闕久矣夫文者事之所以存
也國之典章具乎史邑之故實備乎志非惟大端欲舉而小節亦不可遺
非惟前憲是傳而時務亦無容略庶乎後之人得所考而知嘗與司訓陳
淑齋先生念所以修舉之而力未逮邑侯德清戚公經世宏才蒞連以來
政勤事治旣濬河復隄湖五年而諸務就理遂以修志爲任屬余遴諸生
中之可分司其事者受裁於邑紳孫先生而於已總其成余欣然以爲愜
所志爰與陳先生黽勉贊襄其間起己未之夏迄庚申秋書成而授之梓
蓋精審詳明連之政俗及其鄉之德業可見者莫不昭乎載筆於以樂公
之賢事皆舉此邦數百年所未舉而重以爲連人幸也抑不止此昔南豐

曾氏宜黃學記謂學之中當使天地事物之變古今治亂之理至於損益
廢興先後始終之要無所不知今連志所備具近在一邑而天下卽此推
之也學者三復於此則所謂不越堂戶而得乎四海九洲之遠古今時事
之移出可見於施爲者未必不於此而得况其先正之盛德大業又皆有
以予之資哉然則余旣爲連幸百廢之皆興而因公之力將所藉以成此
教事者其尤不爲淺鮮也已

清乾隆五年十月教諭王子鑑撰

原序

古者列國各以政俗爲風太史以時採其謠頌而獻之天子夫子叙詩首列國風是已後世里歌不升於廟堂而都會郡邑於是有志亦古者陳風之遺雖制統於一尊而質文遞易五方之風氣可攷而知也連江居會城東北俗樸茂而戶詩書稱文物之藪余忝爲邑司訓喜與其地諸生上下其議論間嘗登雲居玉樓諸勝觀日所出洪波無際島嶼如髮又嘗登近郭名山見雲氣出沒中萬家烟靄若無而有江流白練繚繞天外覽其山川之奇其嶽降鍾靈將爲玉樹琪枝丹葩瑤草非人間所恒有退求其邑志而舊板無存卽前此有留心記載者各藏於家又不獲目觀俯仰太息者久之邑侯臧公以茗水名進士出宰茲邑撫循士民日以和輯然後濬河渠修湖隄以次舉行不倦於勤又念一縣之文獻繫乎志毅然以纂修爲已任乃搜括遺書取故家中所手錄藏本相印証與司鐸王先生共商權亦以謬徵予得贊末議族收駢錄補其偏正其訛邑紳孫先生爲之釐

連江縣志

卷首

原序

九

定詮次諸生中有分閱者校對者以依佐之竭經歲精神始得書成付梓余愧謏劣無能爲役然樂公之志有成且有以見山川靈異所都其中所包含孕畜者厚也夫連之縣志自元至今殘缺三百有餘年矣其間事蹟湮沒不傳者何限一旦微顯闡幽昭若燭鏡猶之籠珊瑚於鐵網躍寶劍於豐城似有數存焉而不可以遏闕者聖朝大化翔洽漸於海嶠連邑久已喁喁向風復得是志後之覽者景行前徽博洽物情來秀超乘而前符采彪郁蔚然皆華國之選矣豈不盛哉公吏治業有成績不時內擢銓衡若履承明著作之庭出是志以相質中有可採擇者史臣珥筆而書之亦足以潤色太平則是志也寧第爲一邑風俗之書也歟

清乾隆五年十月訓導陳鵬南撰

原序

邑志纂於乾隆五年前令戚公其於山川風土人物罔不釐然備具洋洋乎巨觀也迄今六十餘年矣夫事有限於時而不得爲者前之人不能預爲備也事有處得爲之時又值當爲之日者後之人不能諉其責也古之續志者前漢八表後漢十志拾遺補闕代_不乏之人而唐杜佑因劉秩政典增廣而作通典厥後又有馬端臨宋太素魏鶴山輩踵而續之至今並傳不朽然則作之者難續之者亦不易也且作之者並非故留缺憾以待後人之補綴而續之者亦非盡屬沽名選事而強爲附益所本無也使既及是時又聽其銷蝕灰燼雖後有作者亦茫然無所適從卽或得之故老遺民一二端差堪記憶而數十年之間所見異辭所聞異辭所傳又異辭好事者又從而附會之愈久而愈失其真矣今幸年豐歲稔人飲天和邑吏民亦安余之拙而寢以無事也爰不自揣竊附於戚前令之未爲踵事之增而士大夫之致仕家居者又斷斷輩出請設局於鼇江書院延宮詹章

倣軒先生入主斯席而以次贊勳之書成開帙千百年來之掌故與六十餘載之見聞燦若繁星亦復絲聯繩貫則余區區之心一慰而可謝其責矣遂綴數言而付之剞劂告

清嘉慶十年三月知縣雲夢李奉撰

歷朝修志職名

宋咸淳間知

縣 宋日隆

修輯

侍省

進士

縣學

正 黃岸

侍省

進

士 郭美

侍省

進

士 黃辰

侍省

進

士 潘方春

功

郎 學

正 顧遇龍

職

郎 縣

丞 彭王容

功

郎 主

簿 趙興淡

縣

尉

徐重望

元延祐間知

縣 李榮

纂修

連江縣志

卷首

歷朝修志職名

十一

直

學 唐士冠

明嘉靖間知

縣 唐長泰

清順治間知

縣 趙國琳

乾隆五年知

縣 戚崧言

教

諭 王子鑑

訓

導 陳鵬南

總輯

諭 孫發曾

歸

化 教

諭 孫發曾

參閱

安 教

諭 黃家權

福

安 教

諭 黃家權

分輯

鼎 訓

導 吳鵬舉

福

鼎 訓

導 吳鵬舉

建 陽 訓 導 吳 如 臯

歲 武 舉 孫 澄

廩 廩 生 鄭 林 鴻

增 增 生 趙 季 植

增 增 生 陳 元 壯

增 增 生 周 夢 采

校 增 生 陳 鳳 舉

廩 廩 生 楊 方 壽

增 增 生 章 春 泰

增 增 生 周 朝 宗

生 生 生 孫 詔 沆

生 生 生 陳 作 霖

生 生 生 陳 朝 選

生 生 生 熊 蔚 起

知 縣 言 尚 焜

教 諭 何 其 章

訓 導 葉 文 舟

總 輯

原 任 詹 事 府 主 簿 章 朝 枳

參 閱 邵 德 占

原 任 昭 平 縣 知 縣

原 任 邵 德 占

原 任 昭 平 縣 知 縣

原 任 昭 平 縣 知 縣

原 任 昭 平 縣 知 縣

原 任 昭 平 縣 知 縣

原 任 昭 平 縣 知 縣

原 任 昭 平 縣 知 縣

連江縣志 卷首 歷朝修志職名 十二

嘉慶十年知

原任東阿縣知縣周拱宸

副貢林占芳

分輯人熊夢占

舉恩人楊廷岳

歲貢楊龍標

副貢陳希曾

舉人林鵬超

舉人孫道翼

舉人章朝樞

舉人陳肇英

校對人

增生林培成

連江縣志

卷首

歷朝修志職名

十三

生員鄭為康

生員孫謀

監生周搏

貢生陳普治

庠生王朝安

生員游春臺

生員吳鏞昌

貢生王振聲

探訪

廩生陳兆文

生員陳芳梯

生員陳宗璉

新修縣志凡例

- 一本志門類次序與嘉慶志分合異趨前後易位面目迥然不同非好翻新也蓋通志局章所規定閱局章卽知本志之用意也
- 一局章分門三十有六吾連實業未興司法未設闕之其篇第以次遞推焉
- 一各門之義例宗旨以及條列附屬諸項本當標明茲均詳於各門小引中可一日而瞭然並可省瑣瑣之目錄也
- 一生人詩文不錄然爲事實所考證間登一焉非阿其所好也
- 一此屆修志距嘉慶十年已百餘載星移物換文獻無徵而時代又不右文人非是事事非是時遺漏固多閱者當共諒之

